



Manatua ia faaeteete poo ā upega tafailagi e te kiliki i ai – e te ono sese atu ai i se vaega o loo matuā aliali mai ai mea matagā tau feusua'iga poo faiga sauā.

O le a se mea e tatau ona ou faia pe a ou vaai i ni mea matagā tau feusua'iga i luga o le initaneti?

Atonu na e kiliki faafuase'i i luga o se link ma e vaai ai ni ata o feusua'iga ua e fefe ai pe faate'ia ai oe. Pe atonu sa fai atu au uō ia te oe e te tago e sue ni ata o faiga tau feusua'iga poo ni itutinosā. Pe atonu o loo e fia iloa e uiga i suiga ua iai i lou tino atoa foi ma tulaga faalemafutaga.

E tāua le iloa o faamatalaga matagā tau feusua'iga i luga o le initaneti e tele lava ina afaina ai oe ma au uō. Latou te mafai ona:

1. avatu ia te oe ni manatu sese e uiga i feusua'iga ma mafutaga faalelugalii ma afaina ai lou naunau e fausia se mafutaga manuia, ma faaaloologia.
2. faaalua ai alii ma tamaita'i i ni auala e tau faasese ma ta'ita'iseseina ai e uiga i le olaga moni.
3. uunaia atili ai uiga sauā poo le faatupu vevesi i tamaita'i, e matuā lē talafeagai lava.

Afai e te manaomia ni faamatalaga e moni, sa'o ma talafeagai mo le matua o lou soifua, ona fesili lea i se tagata matua e te mau faatuatuaina poo se uō.

O le faasoa atu o ni ata matagā tau feusua'iga poo ata o tamaiti telenonoa e matuā lē lelei tele. A fai e te vaai i nei mea, e tatau ona e lipotia i leoleo.

O le ā le mea e tatau ona ou faia pe a ou vaai i ni faiga sauā i luga o le initaneti?

O nisi tagata ma kulupu e fefaasoaa'i ni ata matagā i luga o le initaneti, e pei o ata i faiga sauā, faalavelave ma ni manu'aga. Atonu sa e vaai i se ata na matuā faate'ia ai lava oe pe na oso ai lou fefe. O nisi taimi o le mafuaaga e lē afaina, ae ia te oe ma isi tagata, o nei ata e matuā afaina ai lava outou faalogona.

Fai se gaioga ma pulea lelei mea e te matamata ai

Manatua e pule lava oe poo ā mea e te filifili e vaai i ai poo mea foi e te lē fia vaai i ai i luga o le initaneti. E mafai ona e pulea lelei ia mea e ala i le:

1. Asiasi i na o upega tafailagi e te iloa ma e mau faatuatuaina.
2. Auai i na o kulupu i luga o le initaneti e faasoaina ata ma mea e lelei ma saogalemu.
3. Lipotiina o ata poo mataupu e faafefe ai pe faatiga ia te oe. Mo faamatalaga e uiga i le lipotia o uiga tau faamata'u i luga o le initaneti i le Facebook, asiasi i le Ofisa mo Fesoasoani [Help Centre](#). Atonu foi e te manao e faitau ta'iala poo [Facebook's Community Standards](#) e te iloa ai poo ā mea e faataga ma mea e lē faatagaina i luga o le auaunaga (manao).
4. Lipotiina o ata ma mataupu faasolitulafono i leoleo.
5. Talanoa i tagata matutua e mau faatuatuaina ma isi mai lau vaega lagolago (support network) mo nisi faamatalaga, fautuaga poo se fesoasoani.

